

廣快書五十種序

上古書籍盛聚無過于春秋西漢
蕭梁隋文開元太和慶曆淳熙之
時雖景運天開亦惟能文之士相
與珍惜而護持焉當

今世際昇平文明日麗高文典冊

超軼千古不特石渠天祿芸氣鬱
蒸卽枕秘山藏繡被草澤者各極
一家之致可謂躬逢盛聚之會矣
乃恣情流覽轉多珍護之思者何
竊以鴻懿之才華必展于洞明之
鑒賞能文者且賤今而貴古或徵

顯而略幽信僞迷真深廢淺售視
夜光爲怪石致崑璧以抵門初作
焦鴈之資終爲覆瓿之用巨函厚
帙猶得與敝鞵敗鐵同價于街攤
小冊赫蹏多見飄忽于溪溝馬渤
中矣書運之厄何必兵火故嘗與

立言者謀每就一編其章采足以
華國必圖登之弘文之館若草野
興到語但可欣幽賞者惟視人而
投之歡然相懌自爲所珍古人藏
書護之如金湯亦以片紙隻字拾
爲至寶故無散逸之虞耳惜乎知

音實寡珍秘未聞書成則惟恐人
之不知隨風而揚不顧其所至自
固不惜人乃弃捐何怪其飛絮相
視也于是約二三同調用拾遺之
法以佐收藏之不逮昔人云讀盡
天下好書友盡天下好人曰盡則

未能隨遇莫放過耳拾取亦隨遇
之法也凡出市上使童子挂三百
文于杖頭人用以醉酒者予則醉
書嘗局脊路次從敗書中密簡偶
得善本未經見者如醉嘉賓焉曾
見而久失者如醉故人焉必醉盡

三百文而後返或立言者憐其書
僻携以相餉卽解杖頭醉之非醉
其人亦醉其書也故四壁數椽不
以之蔽風雨而以之府殘書月下
花前不以之理尊壘而以之補斷
簡爲積旣久編摩且殷彼以獨賞

廢者茲則共賞而相成焉復虞相
賞而相違也以快之說歆之初行
五十種爭相賞矣快矣咸曰未已
也子其益之益矣而猶不滿人之
快也因廣焉仍以五十種計侔于
初也凡境至于廣則開闡宏暢精

采流溢入思淵渟方之初美別加
景色然而語固圓該意悉閒靜一
切人世陰陽之論好事發難之端
塗抹殆盡惟取清歡霽情使人心
躍將慷慨者逆聲而擊節醞籍者
開情而揚袂漱芳者挹氣而噴蘭

懸解者借明而作鑑風生譚塵之
下花開口吻之中雖工允悅之悠
揚不入習坎之鈞距楊雄所稱心
好沈博絕麗之文溪識奧鑒此尤
過之書各一家總取悅性不益王
濟之略不刪謝艾之繁探賸鎔裁

期于快心而止寧敢謂千秋玄鑑
自此而澄曩而登之使無滂漉何
異挽兵火而曹倉之則拾遺之初
意也是書得之白門市上者三其
什之七則三吳江淮遊囊之餘潤
也風霜挾于字中蛟龍蟠于懷內

鳳凰棲于玄草蟻陣渙于紫潭可
供雜俎可作愛鼎顛狂忽發則視
爲孟召之文不能自攝則劉道強
單鵠寡鳧之弄欲私枕秘山藏者
也有一二種猶憶雪時聞一高客
在江滸美人家枕小書百種而卧

衝寒往訪屐不勝滑冰侵襪中幾
于墮指及得秘冊轉覺痛快可謂
有快僻矣若一聲鶯秋妝樓睂判
一夕捉酒與來初刻燭草成兩人
相對作快不知于獨賞共賞何如
也吾聞無異人必無異書得見異


書已可慰見異人之想况對異人
作異書不極千古之快耶顏介曰
一事愜當一句清巧神厲九霄志
凌千載自吟自賞不覺更有旁人
斯小才而氣浮者也夫文至厲九
霄凌千載此時神氣勃勃欲上鼓

天下之動結千秋之知奈何以小
才短之若爾則能文者祇當抱鬱
于蓬牕蒿徑不敢向人作快語孤
行且不可况彙集以博共賞直欲
論衡終不遇夫中郎太玄終不逢
于平子不亦湯惠之厄耶獨遺古

而取之今者何人盡當前而失御
聞聲以相思鄴侯之架茂先之乘
不知幾經顛倒不得更助之虐也
廣矣而其書遂已耶猶未也生平
擁數萬卷以當百城行數十卷以
當千駟者皆是物也果博共快卽

傾儲而出不願以冷淡生活自私也日見有心好之者矣口非之如柳子厚好法國語爲文章而集中有非國語之論蘇子瞻在嶺外特喜子厚文及北歸與人書深詆之之故事英雄欺人自古爲然故又

曰非此不足以見盛聚之會已已
新秋日西湖何偉然書



廣快書五十種目錄

卷一

槎菴燕語

來道之元本

卷二

碣石宮鬢語

阮堅之元本

卷三

一聲鶯

張來初元本

卷四

何之子

刪周元孚本

卷五

秋粧樓眉判

仙臞自本

卷六

儒禪

吳寧野元本

卷七

瀾堂夕話

選張次仲本
附偶言

卷八

史輪

吳見未元本
附判五首

卷九

無盡燈

來道之客邸塵談易名

卷十

卽山論

沈君烈元本

卷十一

千一錄客談

選方弘靜本

卷十二

海樵子

選澶淵王端溪本

卷十三

玉笑零音

田子蕪元本

卷十四

尋常事

西韓生元本

卷十五

世書

吳見末元本

卷十六

燕貽法錄 選方定之家訓易名

卷十七

月暎 凌仲望元本

卷十八

秋水鏡 刪洪月誠臆見易名

卷十九

桂枝女子傳 元本

卷二十

審是帙

張靖之雜言易名

卷二十一

花錫新命

余君翼元本
附廣陵女士花殿最

卷二十二

丹甌

摘袁伯修雜說易名

卷二十三

弋說

選沈幼宰本

卷二十四

璪言

于穀山元本
附夢語

卷二十五

雜記

于穀山元本

卷二十六

抽史

鄧子垣元本

卷二十七

松霞館贅言

選李長卿本

卷二十八

獨鑒錄

選穀齋主人本

卷二十九

善易者言

吳見未元本
附反絕交論

卷三十

讀五胡載記

歐陽于玉元本

卷三十一

蒲團上語

刪鮑在齊本

卷三十二

青鑲管夢

項德純本易名

卷三十三

正法眼

選余聿雲偶記易名

卷三十四

倉庚集

選補魏崑陽本

卷三十五

有情癡

吳季子元本

卷三十六

山遊十六觀

沈懋功元本

卷三十七

蟲天志

刪沈公路本

卷三十八

曲讌

天都逸史元本

卷三十九

識小編

刪周寅所本

卷四十

珠采 集聯珠

卷四十一

照心犀 薛方山紀述易名

卷四十二

士令 合刪郭青螺黃寓庸學政易名

卷四十三

長嘯餘 孫燕貽元本

卷四十四

目錄
嘔絲 仙臞別論初本易名

卷四十五

斷肉編 刪閭舍卿本

卷四十六

瞻禮舍利記 李封若元本

卷四十七

天爵堂筆餘 刪薛千仞本

卷四十八

戲瑕 錢簡栖元本

卷四十九

十影君傳 支君敷元本

卷五十

海味索隱 張九嶸元本

目錄終

目録

七



